

SOALAN NO.: 42

PERTANYAAN DEWAN RAKYAT

PERTANYAAN : LISAN
DARIPADA : PUAN SITI ZAILAH BINTI MOHD YUSOFF
KAWASAN : RANTAU PANJANG
TARIKH : 16 MAC 2016, RABU

SOALAN:

YB. PUAN SITI ZAILAH BINTI MOHD YUSOFF minta **MENTERI KERJA RAYA** menyatakan bilakah pembesaran dan pelebaran jalan ke Pekan Rantau Panjang akan dilaksanakan terutama dalam kawasan bebas cukai Rantau Panjang yang terlalu sesak, terutama di musim cuti umum dan perayaan.

JAWAPAN:

Tuan Yang Di-Pertua;

Untuk makluman Ahli Yang Berhormat, cadangan menaik taraf jalan ke Kawasan Bebas Cukai Rantau Panjang dari persimpangan FT003/FT196 ke Jambatan Sg Golok termasuk dalam skop projek Membina Jambatan Kedua Menghubungkan Rantau Panjang - Sungai Golok, Thailand. Pelaksanaan projek ini tertakluk kepada hasil rundingan dengan Kerajaan Thailand kerana ia melibatkan hubungan dua hala Malaysia – Thailand.

Manakala cadangan menaik taraf jalan ke pekan Rantau Panjang di bawah skop projek Menaik Taraf Jalan Persekutuan 3 (FT003) dari Rantau Panjang ke Pasir Mas, Kelantan telah dikemukakan kepada Unit Perancang Ekonomi di Jabatan Perdana Menteri pada bulan Disember 2015 yang lalu. Projek ini merupakan salah satu projek baru yang dicadang untuk dilaksanakan dalam Rolling Plan ke-2 (2018-2019), RMKe-11. Walau bagaimanapun ia tertakluk kepada kelulusan peruntukan daripada Agensi Pusat berkenaan.

Sekian. Terima kasih.